

綏遠通志館編纂

綏遠通志稿

第十二册 歸綏識略(附册)

內蒙古人民出版社

綏遠通志館編纂

綏遠通志稿

第十二册 歸綏識略(附册)




資源共享
PDG

綏遠通志稿第十二册 附册

歸綏識略目錄

附册說明	一
歸綏識略序	三
天部卷一——二	
卷一 星野	五
卷二 節氣	八
地部卷三——二十一	
卷三 沿革	一〇
卷四 疆域	二三



卷五	山川	二六
卷六	古蹟	四五
卷七	陵墓	七二
卷八	城郭	八一
卷九	壇廟	八四
卷十	寺塔	九一
卷十一	公署	一〇〇
卷十二	官學	一〇三
卷十三	義學	一〇六
卷十四	教場	一一二
卷十五	倉儲	一一六
卷十六	田賦	一二八
卷十七	市集	一三一

卷十八 賽社

..... 二二八

卷十九 濟卹

..... 一三四

卷二十 村莊

..... 一三七

卷二十一 卡倫

..... 一六六

人部卷二十二—三十四

卷二十二 駐蹕

..... 一七一

卷二十三 巡幸

..... 一九〇

卷二十四 官制

..... 一九三

卷二十五 兵防

..... 二一八

卷二十六 宦績

..... 二二四

卷二十七 賢材

..... 二四九

卷二十八 使臣

..... 二五九

卷二十九 寓客

..... 二六三

卷三十 史鑒

..... 二六八

卷三十一 詩詞上

..... 三一九

卷三十二 詩詞下

..... 三七五

卷三十三 土默特

..... 三九四

卷三十四 呼圖克圖

..... 四〇三

物部卷三十五—三十六

卷三十五 土產

..... 四二六

卷三十六 稅課

..... 四七二

校點小記

..... 四八二

附錄

《綏遠通志稿》之緣起與現在

..... 梁容若 四八五



偽蒙疆時期傅增湘修成《綏遠通志》經過概述	白光遠	四九三
關於《綏遠通志稿》的記述	張萬仁	四九九
《綏遠通志稿》版本考述	忒莫勒	五〇七

後記

.....	五二三
-------	-----

附冊說明

歸綏識略是內蒙古圖書館收藏的原綏遠省歸綏（呼和浩特）地區最早的一部方志，成書於清咸豐十一年（公元1861年），從未刊行。全書分天、地、人、物四部，共三十六卷。撰述者山西崞縣舉人張曾（字小袁）。據徐繼畲爲該書序稱：崞縣張小袁孝廉時幕塞上，乃奮憤爲之，閱三年而蕝事，名曰歸綏識略。

歸綏識略所涉方輿，包括當時隸屬山西省的歸化城、薩拉齊、和林格爾、清水河、托克托城等五廳。對各廳所述文字繁簡有別。同時歸綏識略與傳抄本古豐識略大同略異，均爲同一時期的張曾所撰。但古豐識略較前，可說歸綏識略爲古豐識略的增補本。其述內容較廣，上稽往籍，傍採舊文，雖以其所據資料爲限，各卷詳略不一，但不失於我區最早而詳述地方史之要籍，因此，它爲綏遠通志稿編纂時之主要參閱和依據資料之一。

我們首次印刷出版時，對國內現存該書的曬藍本、鋼筆抄錄本和原修綏遠通志稿時

附冊說明

參閱本，相互對照，進行了審閱考訂，糾正了其中舛、脫、訛、衍等處，並由我社副編審王挺棟、內蒙古圖書館副研究館員張萬仁先生對全文進行了校點和必要的注釋。此次整理將該書納入綏遠通志稿的組成部分，作為該志稿的附冊，一并印刷發行，供各方參閱之用。

內蒙古人民出版社

一九八七年十二月二十日

歸綏識略序

北陲寒露之野。自古爲遊牧行國。與西域城郭諸國風俗殊異。趙主父攘地築城。秦始皇、漢高帝立定襄、雲中、五原、朔方、西河諸郡。徙內地人民以實之。度其時。草犁爲田。旃毳渡爲廬舍矣。新莽之亂。匈奴內侵。光武中興。乃復舊版。而諸郡戶口已耗減十之七八。迨東漢之末。南匈奴雜處并涼。而鮮卑侵軼不已。定襄、雲中、五原三郡。男女百餘萬逃入內地。時曹操當國。乃於陽曲僑置三縣。立新興郡以統之。而三郡故地又變爲行國矣。自是以後。或爲華有。或爲狄據。百數十年而一變。即當中國全盛。亦不過列戍開屯。且耕且戰。人之地著。遷徙無常。故載籍以來。從未聞此數郡中生何文武人物。其勢使之然也。我國家龍興遼、瀋。內、外蒙古。額魯特諸部悉臣。編入八旗爲僕。迤東之元裔察哈爾一部。始效順而復叛。乃收其地爲楊柳木、太僕寺兩牧廠。其外則編爲察哈爾蒙古八旗。統之以都統。

迤西之土默特一部。地界遼闊。迫近內地。本有世襲兩都統。後改兩都統爲世爵。而統之以將軍駐紮之地。則明之所謂歸化城。今增築之綏遠城也。承平日久。內地無業之民。皆負耒腰鎌佃耕於此地。久而成聚。成邑、成都。乃於乾隆六年。分立五廳。設同知同判等官。而統之以歸綏道。蓋與古昔之所有邊地者。情勢殊焉。頃王雁汀尚書爲晉撫。嘗檄取歸化城志。守土者無以應。崞縣張小袁。孝廉時幕塞上。乃奮憤爲之。閱三年而蕝事。名曰歸綏識略。上稽往籍。傍采舊文。以輪蹄之所嘗歷。耳目之所經見。事系創始。類於博望之所鑿空。而原委明備。地望瞭然。較內地郡縣各志獨爲核實。洵奇作也。小袁少有才名。躋於進取。乃一意沉酣古學。所讀之書。殆不止於等身。落筆則浩博汪洋。時復授以節制。余再三按讀。嘆其用心之勤苦。得未曾有也。王雁汀尚書當代桑扈。小袁將奉書以就正。而倩余一言爲紹介。乃書數語以代簡。小袁赴西河且登龍門矣。

咸豐辛酉仲春世愚弟徐繼畲拜識

歸綏識略卷一

天部卷一——二

星野

趙地昴畢之分野。趙分晉得趙國。西有太原、定襄、雲中、五原、上黨。定襄、雲中、五原本戎狄地。見漢書地理志。史記天官書亦曰昴畢冀州。

按山西通志及朔平府志於星野一門。歷引各書而斷以山西諸郡。太原、潞安、遼、沁、俱參井分野。大同昴畢分野。朔平介太原大同之間。所分之野。應在昴畢與井。又冀之北土馬牧之所出。天苑之象存焉。胃得馬牧之氣。邊外分野。昴畢井而外。應與胃宿似矣。惟是胃星分野。史記天官書列諸徐州。漢書地理志未之及。歷代天文志或謂其在魯分。或謂自胃一度至畢六度。自胃七度至畢十一度。爲大梁之次爲趙分野。其說參差不一。若天苑爲天子苑囿。晉志謂在二十八宿之外。乾象新書謂

西八星屬胃。南八星屬昴。丹元子步天歌以天苑與芻。稿等星皆屬昴宿。則謂胃有天苑之象。其分野當兼胃宿者誤也。至於井星分野。既在太原、潞安、遼、沁。以星則中隔參觜。以地則中隔雁門。漢書地理志雁門於天文別屬燕。如因唐書謂豐、勝諸州皆東井之分。歸綏爲豐州地。謂其分野當與昴、畢、井無疑。獨是唐書之說。宋洪氏〔洪邁〕容齋隨筆已譏其謬。且其書以雲中、雁門、定襄、代郡列諸東井輿鬼、秦、雍州下。而於昴、畢、趙冀州下反列信都、鉅鹿等十一郡與史漢大相刺謬。是烏得引以爲證。況歸綏扼西北之險。爲古今邊塞要衝。考之天文家言。昴、畢二宿。占邊事者八星。而胃井無一焉。信乎史漢之說。顯而可徵。言胃井者不待辨而知其失矣。昴、畢間爲天街星主限中外。歸綏適當南北疆界。與天街之象符合。自二十一史至明史。凡日月五星掩蝕陵犯於昴、畢間者。無慮六七十書。每藉以推占邊事。往往而驗。唐、宋以後。此間或內或外。變遷不一。而天街金火之犯。所書尤指不勝屈。元太祖起自沙漠。入主中國。塞上無事百年。元史天文志。昴、畢兩宿毫無記載。順帝至正十一年孛星見於昴宿。不數載而明師北上。順帝即遁歸和林。孰謂天人不相應哉。明季西法始入中國。以五星之退留遲速爲運行之常史。遂削而不書。然天象示警。分野之說萬不可廢。是編恪遵志乘體例。雖力矯近世習俗。不敢於開卷之

首。繪列昴宿幾星畢宿幾星。並摭拾旄頭天高等名。以蹈剿說雷同諸弊。而史漢具在。平日所師承者在茲。若以爲昴、畢二宿昔舉冀州趙國全境而言。歸綏僅彈丸一隅。未能上應兩宿。則天街一星。確有可指。非昴、畢之分野而何。後有作者。恐不能不以史漢書決之。

歸綏識略卷二

節氣

歸綏地方。每交節氣。以度數計之。較京都早一刻四分。較山西省會早三分。較四子部落早二分。較茂明安遲六分。較烏喇特遲七分。以寒暑計之。較京都及山西省會微寒。較四子部落、茂明安、烏喇特等處微熱。此地勢南北高下之異。而天時無多異也。陰山以北俱係牧地。不能種植。間有開墾。所出亦祇數種。如莜麥、胡麻之類。歸綏則與內地近似。惟耕斂有早晚耳。府志（朔平府志之簡稱）立春後必有大風。較秋冬時尤烈。立夏堅冰始消。草木甲坼。夏至後雖三伏盛暑。早晚不離棉衣。立秋天已苦寒。處暑夏田始熟。白露前後即有嚴霜。野無遺禾。寒露百草枯萎。人皆衣裘。霜降雨雪。土工不興。立冬冰結不解。地凍數尺。山南如是。山北可知。

按曆書所列。各處節氣遲早悉依經度。至於晝夜刻分。太陽出入則以緯度計算。此



PDG

間北極出地平四十一度。京都出地四十度。山西省會出地三十八度。在天一度。在地約二百里。南北愈遠。則晝夜刻分。太陽出入愈懸絕矣。此間冬至晝三十六刻。夜六十刻。太陽較京都遲出二分。早入二分。較山西省會遲出八分。早入八分。茂明安較此間遲出三分。早入三分。四子部落較此間遲出四分。早入四分。夏至晝六十刻。夜三十六刻。太陽較京都早出二分。遲入二分。較山西省會早出八分。遲入八分。茂明安較此間早出遲入各三分。四子部落較此間早出遲入各四分。烏喇特與此間同。其南北同也。此間在京都、山西省會之北。故冬至日出較遲。日入較早。晝較短。夜較長。夏至日出較早。日入較遲。晝較長。夜較短耳。茂明安、四子部落又在此間之北。故遲早長短又復不一。其寒暑亦係乎此。故史稱五原、豐、勝。從古沙漠苦寒之地。府志所載四時節氣。詢之故老。數十年前大概如斯。今則冠蓋雲屯。市廛星列。極民物繁庶之盛。天時人事默爲轉移。昔也殺氣頻陵。今也和氣感召。干戈擾攘既變。而井鑿田耕。凝閉窮陰亦變。而雨暘時若。雖南北氣候終有未齊。而以山西一省言之。長城內外漸亦無甚區別。近年來種植滋富。裘葛應時。有非大同、朔平諸郡所能及者。是又不得以南北度數限之矣。

歸綏識略卷三

地 部卷三——二十一

沿革

陶唐朔方幽都地

堯命和叔宅朔方。曰幽都高誘注淮南子云。古之幽都在雁門以北。

有虞并州地

舜肇十有二州。以冀地廣大。析置幽、并、營三州。併州在冀西北。故地當屬并。顧亭

林日知錄謂并則今忻代以北至塞外地。

夏冀北地孔氏曰。冀州三面距河。

禹會諸侯於塗山。復并天下爲九州。地仍當屬冀。

商代子國西北地